

Andreas Tscherning

**Programma Quo Rector Universitatis Rostochiensis Andreas Tscherningius,
Poët. Prof. ordinarius Ad exequias, Quas Marito suo desideratissimo, Viro ... Dn.
Valentino Kirchberg/ coniux moestissima paratas cupit; Cives Academicos
officiose invitat**

Rostochii: Kilius, 1649

<http://purl.uni-rostock.de/rosdok/ppn77125749X>


Druck Freier  Zugang




Tscherning, A.
in V. Kirchberg.

Rost. 1649.

16.





PROGRAMMA

83

Quo

RECTOR

Universitatis Rostochiensis

ANDREAS TSCHERNINGIUS,

Poët. Prof. ordinarius

Ad exequias,

Quas

Marito suo desideratissimo,

VIRO

PRÆSTANTISSIMO AC LITE-

RATISSIMO

DN. VALENTINO

RJRCBBERG/

Civi Rost.

conjux mœstissima,

paratas cupit;

Cives Academicos officio



ROSTOCHII,

Typis NICOLAI KILII, Acad. Typogr.

Anno clō 16c XLIX.



Eum immor-
talem! quid est
homo, ille totius
mundi epilocus?
quàm, ut Sapiens
Noster ait ἀσθενείας

ὑπὸδειγμα, κριμῆ λάφουρον, τύχης παίγμιον, μεταπτώσεως ἐ-
κόν, imbecillitatis exemplum, tem-

poris spolium, fortunæ ludus, in-
constantia imago. Quis hominum,

Tam Divos habuit ferventes

Craftinum ut possit sibi polliceri?

Itaque, iudicio gravissimi Senecæ,
sic ordinandus est dies omnis, tan-
quam cogat agmen (*bene. à militia, nam*
ultimi sunt agminis coactores) & consum-
met atque expleat vitam. Quod &
Venu-

Αἴτιον τοῦ ἐπιπέτου

Venusini vatis præceptum est: Om-
nem crede diem tibi diluxisse su-
premum. Pacuvius qui Syriam usu
suam fecerat (ob diuturnum ibi imperium &
moram) cum vino & illis funereis
epulis sibi parentaverat (sunt ver-
ba Senecæ) sic in cubiculum fereba-
tur à cana, ut inter plausus exoletor-
um hoc ad symphoniam caneret-
ur; *Beßwne*, *Beßwne*, nullo non sedie ex-
tulit. Hoc quod ille ex mala consci-
entia faciebat, nos ex bona facia-
mus, & in somnum ituri, læti, hila-
resque dicamus,

Vixi, & quem dederat cursum fortuna peregi.
Crastinum si adjecerit Deus, lætire-
cipiamus. Hæc ille. Crastinum sibi
pollicebatur quidem & VALEN-
TINUS Kirchberg/ de cujus vita,
moribus ac morte verba facturi su-
mus,

mus, verum præventus morte inopinatã repente concidit.

Natus est Rostochi anno clō 15 cx. Patrem habuit ornatissimum & literatissimum virum CHRISTOPHORUM Kirchberg/ civem ac cerevisiarium quondam apud nos primum. Matrem ANNAM, Clarissimi DN. M. VALENTINI STRELENII, qui in Dicafterio Megapol. multos annos munere Protonotarii (primicerium notariorum vocabant Latini veteres) functus est singulari diligentia laude. A primis unguiculis pietate literisque imbutus est domi & in parentum sinu. Cumque feliciter posuisset tirocinia, adultior, quamvis patre jam functo, ut cultum majorem assumeret, anno clō 16xxx à matre pietissima in Academiam Regio montanam ablegatus fuit, ubi per biennium indefessam studiis, sicut par erat, operam navavit. Anno clō 15 cxxxiii, à fratre invitatus Gröningam concessit, ubi hoc duce feliciter per annũ in studiorum progressu curriculo est, salubriterque profecit. processurus longius, majoraque ausurus, locaque alia aditurus, nũ sublevanda fuisset mater, quæ ob hyemem vitæ, malam illam ætatem, ac corporis imbel-

liam

liam rei familiari administrandæ sufficere
amplius sola non videbatur. Domum itaq̃
cum venisset, vitæ consortem quæsiuit & in-
venit CATHARINAM, MICHAELIS
REDERI filiam, virginem pudicissimam,
quicum quatuordecim ipsos annos summâ
concordiâ suavissimeque exegit, atque ex ea
filios quatuor filiasque tres, utpote CHRIS-
TOPHORUM, ALEXANDRUM, VA-
LENTINUM, JOACHIMUM VALEN-
TINUM, ANNAM, CATHARINAM,
WENDULAM & MARGARETAM ELI-
SABETAM suscepit, è quibus verò ALE-
XANDER VALENTINUS & WENDULA
in vivis esse desierunt. Octavum partum ma-
ter adhuc fert in utero, cui Deus, ubi editura
est prolem, ut quàm indulgentissimè adsit,
ex animo rogemus. Erat vir bonus, rectus,
apertus, simplex à fūco & dolo alienus. Cave-
re de mortuum pipulo diffindatis, quin potius
quæ memorabilis est Chilonis sententia, bea-
tum prædicetis. Conciones publicas temerè
non negligebat: erat comitatis ac facilitatis
plurimum, tum cupiditatis ac studii de qui-
busvis merendi bene. Quo consecutus est, ut
ad officia amplissima eveheretur. Virtus ejus
militiæ, ex munere Cōmissariatus cognita, per

ſpecta in legationibus diverſis ad Illuſtriſſimum Principem fuit. Cæterû ætario hujus civitatis publico præfuit, atque hætenus Oeconomus redituum Eccleſiaſticorum extitit. Jam pridem verò in numerum ſedecim virorum cooptatus diverſas has partes diligenter adminiſtravit ac geſſit. Anni ſunt duo, ex quo evidenter obefitatem corporis, malignitatem humorum, pulmonumq; contraxerat vitium, unde mirè & ſpirandi difficultate laboravit, & ingens sæpe univerſum corpus invaſit languor. Cùm nudius quartus unum è Proviſoribus, ut vocant, inviſiſſet, negotioq; conſecto domũ reverſus ſanus ac ſobrius cubitũ ire ac ſomno ſe dare paraſſet, imperarit miniſtro ut ſequenti mane ſi forte in multam lucem dormiret, tempore quo ad concionẽ ſacram invitamur, è ſomno eum ſuſcitaret. Quod cùm miniſter feciſſet, ille tamen in lecto, fortasſe quod imminere valetudinem ſenſerat, aliquantisper ſibi commorandum duxit. Quo facto Uxor mirificè ſolicita metuensque pericli extemplo accurrit, & maritum ex inſperato ægrum atq; impotentem offendit, intentum tamen Salvatores optimi meritis; quibus fretus, cæleſtem & immortalẽ

lem vitam non tam sperabat, quam promittebat sibi ac pollicebatur. Mox post pauca suspiria inopinatò animam exspiravit. Repentinum terrè mortis genus: sed quod ipsi etiam Julio Cæsari ita placuit: ut, cum inter cænandum ortus sermo esset, quod genus mortis optimum, sine omni cunctatione responderit: Inopinatum. Excepit ista fors & mors multos viros, quorum pietas & probitas toti mundo fuit spectata. Exempla heic recensere, nihil attinet. Quicumque verò es, noli in morte hujus viri tam repentinâ exsultare: noli Requietorio ejus protervè insultare. Nemesis enim à tergo est, & vel cineres ejus vindictam à te petere possunt: non secus ac Niconis Thasii statuam ferunt, cum ab invido & malevolo vapularet, in eum prolapsam fuisse, eique mortem attulisse.

Nunc autem cum viri literatissimi componendum sit funus, agite CIVES ACADEMICI, & exsequias Ejus omni officii genere prolixè ac promptè exsequimini. Quod cum facitis, memores & vestræ mortalitatis unà estote. Quis scit an adjiciant hodiernæ crastina sumæ DI superi? Quapropter ut
singu-

singulis diebus, horis, ac momentis ad emi-
grandum promti paratique sitis, ipsa animæ
vestræ salus vos adhortatur.

P. P. ROSTOCKI d. XXVIII, Jul.
AN. MDCLXIX.

Convntus fiet hodie horâ primâ in aed.
B. Jacobo sacra.





